



Synfocity = 554

mail us at : mzsynfo@gmail.com; mizoramsynod@gmail.com - Phone - 2314648

17th September, 2015

- Tun hnaia Phullen khua Leimin tuar chungkaw 6 hnenah Synod Relief Fund atangin chhawmdawlna Rs. 45,000/- pek an ni. Synod Relief Fund sum atanga tanpui ngaite tanpui nana sum pek chhuah tawh zawng zawng chu Rs. 35,58,000/- a ni.
- Synod Officers' Meeting in alo ruahman lawk tawh angin Myanmar a Mizo tuilian tuarte tanpuina tura Kohhran hote sum thawhkhawm Rs. 28,83,972/- chu September 14, 2015 khan Synod Officers' Room-ah Synod Moderator-in Presbyterian Church of Myanmar hotute hnenah a hlan.
- **Zin**
 - ◆ September 17, 2015 (Ningani) hian Silchar-ah Barak Area Committee hmangin Rev. Lalrinmawia, Synod Moderator leh Rev. Lalzuithanga, Senior Executive Secretary, Rev. B. Sangthanga, Synod Secretary, Rev. C. Vanlalhruaia, Rev. C. Lalsangliana, Rev. Zosangliana Colney leh Upa F. Lalfakzuala te an kal.
 - ◆ September 20, 2015 (Pathianni) hian Kelkang Kohhran tlawh turin Rev. Lalramliana Pachuau, Executive Secretary leh Synfo Staff thenkhat te an kal ang.
 - ◆ September 17 - 18, 2015 chung hian Hongkong-a Council for World Mission Consultation neih turah Rev. Lalchhuanmawia, Secretary SMB a kal.
 - ◆ September 17, 2015 (Ningani) hian Kolkatta-ah Income Tax Return File buaipuii Tv. Zaihmingthanga, Accountant, Synod Office a kal.
 - ◆ September 15, 2015 (Thawhlejni) khan kumin kum tawpa LADC inthlan lo awm tura hmalakho dan tur sawhovin Upa F. Lalremthanga, General Secretary, MPF leh Lawngtlai District MPF Hruaitute leh NGO Hruaituten Joint Meeting, Lawngtlaiah an nei.
- **Kohhran Hmeichhia**
September 19 - 20, 2015 chung hian Bungtlang 'S' Bial-ah Leadership Training leh Kristian Chungkaw Campaign neih a ni dawn a, hemi hmanpui tur hian Pi Lalpianthangi, Pi Lalbiakengi leh Pi Vanlalpari (Comt Members) te an kal ang.
- **Synod Mission Board**
 - ◆ September 11-13, 2015 chung khan a hnuai tarlan Ramthar Field te hian Joint Pastorate Meeting an hmang. Joint Pastorate Meeting hi Ramthar Field a Pastor Bial hrang hrangte inkhawmpui, Presbytery la nei lo-tena an hman thin a ni.
 - ◆ Arunachal and Assam Mission Field East chuan Joint Pastorate Meeting vawi 18-na an hmang. Palai 155 an kal a, mikhual riak lut zawng zawng 460 an ni. Inkhawmpui thupui 'I Pathian tawh turin inpeih rawh' tih chu Speaker Rev. Ranjung Jugli hnen atangin ngaihthlak a ni.
 - ◆ Arunachal and Assam Mission Field West chuan Joint Pastorate Meeting, Jonai-ah an hmang a. Palai 237 an kal a, mikhual riak lut zawng zawng 802 an ni. Inkhawmpui hian Aizawl atangin Tuikual South Kohhran mi 19 te ei rawng bawl turin an kal a, Synod Mission Choir ten hun an hmang bawk.
 - ◆ Assam Mission Field chuan Joint Pastorate Meeting Assam Presbyterian Church, Satribari-ah an hmang a. Palai 371 an kal a, heng zinga 266 chu kuaikhua atanga kal an ni. Thupui, 'Isua - Kawng leh thutak leh nunna' tih chu Evan. Vanlalchullova Pachuau hnen atangin ngaihthlak a ni. Ringthar Baptisma chang 2 an nei.
- **Synod Hospital**
 - ◆ Synod 2014-in a rel angin Synod Hospital, Durtlang-ah Dialysis khawl pahnih chu hman theih turin bun fel a ni ta a. September 14, 2015 atang khan Damlo a mamawhtute tan hman tan a ni.
 - ◆ September 15, 2015 (Thawhlejni) khan India rama World Vision Director, Cherion Thomas chuan Synod Hospital-a K-Ward leh Grace Home te a tlawh a. World Vision te hian damlo awm man pe thei lo leh mi harsa engemaw zat an pui tawh bawk a ni.
 - ◆ September 15, 2015 khan Church of South India Pastor 19 ten Synod Hospital an tlawh a, Director Office-ah lo dawng sawngin damdawi in te fankualpui an ni.
- **Campus Ministry**
 - ◆ September 11 - 13, 2015 chung khan Quality Hostel, Khatla-ah Home Crusade neiin hun an hmang.
 - ◆ September 18, 2015 (Zirtawpni) hian Health Worker Training School, Kulikawn Hmunthar-ah hun an hmang ang.
 - ◆ September 19 - 20, 2015 chung hian Hnahlan Pastor Bial Senior leh Sacrament Department Meet, Hnahlan-a neih turah Rev. Lalchungnunga, Director, Campus Ministry Speaker a ni ang.
 - ◆ Campus Ministry lekhhabu buatsaih - Hringnun zawhna ril - Pathian a awm nge awm lo? tih chu Campus Ministry, Synod Office leh Synod Bookroom hrang hrangah Rs. 100/- in lei theih a ni.
- **KTP**
September 26, 2015 (Inrinni) nileng khian KTP Rorel inkhawmin a lo pawm tawh angin Ram Pum Huap Zoram Tana Tawngtai Rual neih tur chu hetiang hian ruahmanna siam a ni.
1. Aizawl Khawpui pawn Bialte : Zoram tan Tawngtai hi Ramchung leh Zoram pawn thlengin hun inang September 26, 2015 (Inrinni) 11:00 A.M.-ah field/mual/hmun remchangah hman ni se. Bial tin hman dan tur chu Bial Committee-in tha a tih angin a rel ang.
Bial dinhmun a inchen lo va, Bial thenkhatah khaw hrang hrang kan awm a, hmun khata hmanho a remchang lo a nih chuan Bial chungah Branch khaw hrana awmte chuan field/mual/hmun remchanga hmang mai tura ruahmanna siam ni se.
Khaw thenkhatah chuan bial hnih bial thum te kan awm bawk a, hengte hian remchan zawkna avanga hmun khata hman a ngai a nih pawhin a remchang tho a ni.
Tawngtai thupui siamsa bakah hian hruaitu leh tawngtaina min pui thei tur thusawitu tur inruat ni se. Bial Committee-in tha leh remchang a tih chuan Pathian faka zaiho pawh leng tura ngaih a ni.
2. Aizawl khawpui chung Bialte : Aizawl khawpui chung bial te a huhova hun hman tura ruahman a ni a, program kimchang pheh lehlamah dah ani.

- **Revival**
September 8 - 13, 2015 chung khan Synod Camping Centre-ah a duh apiang tan Gospel Camping buatsaih a ni a, Speaker Pu K. Lalngaihawma, Milungngaithe Thian Team a ni. Camp a lut zawng zawng hi 119 niin Mipa 112 leh Hmeichhia 7 an ni a, kohhran dang atang pawhin mi engemaw zat an lut bawk a ni. Security leh ei rawngbawl lam buaipuiin Republic Veng Kohhran Pavalai Pawl te an duty a ni.
- **Chhim Area News**
Presbyterian Kohhran Missionary Doctor hmasa ber hming chawia din John William Hospital, Lunglei ami chu Oct. 1, 2015 hian hawn a ni dawn ta a. Rev. Lalramliana Pachuau, Executive Secretary-in hawna leh Pathian hna hlan a nei ang a. Dr. Vanlalruata, Director, Synod Hospital chuan report a pe ang a, Presbyterian Choir Lunglei te an zai ang. A hawn ni hian Lungleia MJA te, Civil Hospital leh BCM Serkawn Hospital bakah Chhim lama Pastor leh Pro. Pastor te leh mi thahnem tak sawm an ni. A tuk(October 2)-ah Free Clinic neih a ni nghal dawn a ni. Tunah hian hawn theih turin a thawktuten chak takin an buatsaih mek a ni.
John William Hospital-ah hian HDC Electrolyte Analyser te, Swelab (Cell Counter) te, Photo Meter 5010, X-Ray CR System, Ultrasound, ECG, puansuk khawl lian chi, Auto Clave, inzaina theater (a/c awm), Nau neihna Ward leh NICU felfai tak leh tunlai khawl changkang tak tak te chu hman theiha peih a ni tawh a. Room felfai leh thianghlim, zahpuiawm lo tak a ni.
- **Hruaina Eng FM Radio & TV Programme**
 - ◆ **SEPTEMBER 18, 2015 (FM ZOAWI AIZAWL @ 7:30 P.M.)**
Zaipawl : TBZ Choir - Min Pui Ang Che, **Solo** : Maggie - Min siamthar leh rawh, **Thusawi** : Rev.Lalhmuchhuaka - Rah chhuah turin, **Zaipawl** : Dawrpui Bial Zaipawl - Hnehtu krista, **Solo** : Empty Pockets - I hnen lo thleng se
 - ◆ **SEPTEMBER 18, 2015 (FM LUNGLEI @ 7:30 P.M.)**
Zaipawl : TBZ Choir - Min Pui Ang Che, **Solo** : Maggie - Min siamthar leh rawh, **Thusawi** : Rev.Lalhmuchhuaka - Rah chhuah turin, **Zaipawl** : Dawrpui Bial Zaipawl - Hnehtu krista, **Solo** : Empty Pockets - I hnen lo thleng se
 - ◆ **SEPTEMBER 20, 2015 (Tv Programme) @ 3:00 p.m) :**
Weekly Round Up, Sawihona : Harhna Chungchang - II
- **Susamachar Prasaran Programme**
 - ◆ **SEPTEMBER 20, 2015 (Pathianni) 5:00 pm.:**
Group/Choir/Solo : Kristian Centre Zaipawl - Tu Pyar Ka Sagar, **Group/Choir/Solo** : The Leprosy Mission Choir - Hame Sab Kuch Vo De Ta, **Sermon** : Lalramzauva, **Group/Choir/Solo** : Hmingtea Tochwang - Chhoti chhoti, **Group/Choir/Solo** : Bungkawn Masihi Sangati - Ji Uthe
- **Moderator Programme**
Synod Moderator Rev.Lalrinmawia chuan tunkar tawpawh hetiang hian hun a hmang ang :
 - ◆ September 19, 2015 (Inrinni) Zan - Maubawk Vengthar, Tuipang Bial
 - ◆ September 20, 2015 (Pathianni) Chawhma - Tuipang, Tuipang Bial
 - ◆ September 20, 2015 (Pathianni) Chawhnu - Laki, Tuipang Bial
 - ◆ September 20, 2015 (Pathianni) Zan - Tuipang, Tuipang Bial
 - ◆ September 21, 2015 (Thawhtanni) Zan - Saiha, Saiha Bial

Central KTP buatsaih Ram Pum Huap Zoram Tana Tawngtai Rual Programme

A hmun : A.R. Lammual

A hun : September 26, 2015 (inrinni) @ Dar 11:00 a.m

HUN KHATNA

Hruaitu:Dr. Julie Remsangpui, Treasurer, CKTP
Thupuan:Upa Zonunmawia, General Secretary, CKTP.
Thuchah tawi:Rev. J. Lalremsiama, Leader, CKTP
Tawngtai rual:

HUN HNIHNA

Hruaitu:Pu Samuel Laldingliana, Asst. Leader, CKTP
Thuchah tawi:Rev. Lalrinmawia, Moderator, Mizoram Synod
Tawngtai rual:
Malsawmna:Rev. Lalramliana Pachuau, Executive Secretary

SAWMNA

September 26, 2015 (Inrinni) khian Vangtlang Kohhran-in kan Biak In thar hawn kan tum a. Bialtu Pastor leh Pro. Pastor-a lo awm tawh zawng zawng leh kan Kohhran-a lo lawi tawh zawng zawngte lo tel vek turin kan sawm a che u.

Secretary
Vangtlang Presbyterian Kohhran

SYNOD BOOKROOM BOOK NEWS FOR THE MONTH OF SEPTEMBER 2015

| | |
|---|---------|
| ◆ A tak tak zawna - Rev. C. Rosiama lehlín | Rs.40 |
| ◆ Galili rama mi pahnih | Rs. 50 |
| ◆ Hun hnukung inlarna - Muanthanga & Zothanpui te lehlín | Rs.150 |
| ◆ Trinity hi mawle - Lalramzauva Ralte | Rs. 100 |
| ◆ I nun chinfelna tur kawng 100 - Zothanmawia Kiangte lehlín | Rs. 150 |
| ◆ Khawvel tidanglamtu i ni thei - Rev. Lalngaihawma | Rs. 150 |
| ◆ Hlawhtlinna lamtluang - Vannehtluanga | Rs. 100 |
| ◆ I dam chhan eng nge ni? - R.M Lala | Rs. 100 |
| ◆ James Mallory and Harlen Irene | Rs. 50 |
| ◆ The Path to Leadership - T. Lalremsanga | Rs. 100 |
| ◆ Beiseina - B. Lalrinhlua | Rs. 80 |
| ◆ Zanlai inleng - Lalpekkima | Rs. 100 |
| ◆ Lalthangfala Sailo - Lalramliana | Rs. 150 |
| ◆ Lamthumthum - Mapuia Renthlei | Rs. 120 |

Synod Social Front Helpline: **9089777129**;

Tuai & Patil Helpline : **8729800130**;

Students' Helpline : **9856883377**

www.MIZORAMSYNOD.ORG

Synod Information & Publicity
Phone - 2314648

Synfo